

1890.



4
HONORES
IN ARTE SALVTARI
SVMMOS
V I R O
PRAENOBILISSIMO AMPLISSIMO
ATQVE
EXPERIENTISSIMO
DOMINO
CHRISTIANO FRIDERICO
DANIEL

NOMINE
Societatis Δοκιμαζοντων
GRATVLATVR
IVSTVS ISRAEL BEYERVS
Phil. Prof. Publ.
PRAEMISSA BREVI DISSERTATIVNCVLA
DE
MEDICIS HONORATISSIMIS

HALAE - MAGDEBVRGICAE
TYPIS IOANNIS CHISTIANI HILLIGERI, ACAD. TYPOGR.

HONORES
IN ARTE SALVTARI
VIRI
REVERENDISSIMO
EXPERIENTISSIMO
DOMINO
CHRISTIANO FRIDERICO
DANIEL

GRATVATVR
IVSTVS ISRAEL BEYERVS
PHARMSSA BREVI DISPENSATIONE
DE
MEDICIS HONORATISSIMIS

HAER. MARCHENKOW
THE IOANNIS CHRISTIANI HILCKEN





Invidia virtutis comes. Hoc summi Fredericianae gubernacula iam tenentis viri, celebratissimi per orbem litterarium WOLFFII, symbolum firmo veritatis nititur talo, per experientiam quotidianam magis corroborato.

Quis, quaeso, bonorum id non comprobat exemplo suo? Transeant ceteri, solique iam pro dictae rei testimonio in scenam prodeant *Medici*. Vnde tot prono quasi alveo profuerent scommata, quae in *Medicos* euomere solent artis salutiferae aduersarii, nisi hi ab inuidia occoecati essent ad unum omnes. Sed tacere praestat, quam memoria recollere eiusmodi conuicia, quae tetrae obliuionis coeno obrui merentur omnino. Non loquuntur cum vulgo rectius sentientes, cum aequissimis bonae causae arbitris. Hisce enim ac nobis sufficiunt omnis acui monumenta, quae rem medicam exercentibus debitum *honorem* exhibuerunt ac tribuunt etiam nunc. Liccat igitur hac occasione, qua *Gratiosus Ordo medicus* summos in arte salutari honores decernit TIBI, Viro experientissimo, mihi pauca quaedam, quamuis exilia, disserere: *de Medicis honoratissimis.*

Quis sane, sanum qui habet synciput, Medicis ratione ac experientia instructis exercitatisque denegare audebit honores pro meritis? Sacra nos percellit ueneratio erga artem salutarem eiusque cultores, quoties relatum legimus, Summum, quod ueneramur, Numen semet ipsum profiteri Medicum; filiumque eius unigenum, mundi seruatore, in eo patri se assimilasse potissimum, quod uitam se appellauerit, et pro hominum uita omnigena huncce terrarum orbem intrasse, palam pronunciauerit. Vnde etiam procul dubio praeccepti diuini elucet ratio, quare Medicos uelit honoratos summus rerum omnium Moderator ac Arbiter. Ratio quoque sufficiens apparet scriptorum ab eruditis exasciatorum *de DEO Medico; de CHRISTO Medico.* Quam pie igitur studium medicum sit suscipiendum, excolendum ac denique exercendum, quis non uidet? Sed uideamus alia honorum Medicis concessorum uestigia.

Graeciam scientiarum patriam fuisse, concedunt omnes facile: eamque aliam medicae artis matrem dici, uno ore testantur scriptores. Ibi AEscVLAPVVS (en, quantum apud omnes nomen!) *quoniam rudem & uulgarem hanc scientiam paulo subtilius excoluit, in Deorum numerum relatus est,* teste AVREL. CORN. CELSO. Inde deducit, uulgo qui appellatur Medicorum parens, HIPPOCRATES, gentem medicam. Et nec temporis nec huius schedulae dimensionum sufficeret, recensendis honoribus Medicis ibidem tributis. Nauigemus igitur *Roman.*

Parum quidem dignitatis in urbe quaerendum esse Medicis, dicent fortasse, qui recordantur, ualitudinis curam ibi relictam fuisse seruis misellis. Ast non omnis aevi eadem fuit facies. Quid enim SVETONII uacillat aut infringit testimonium referentis, quod *omnes medicinam Romae*

Romae professos, quo libentius ipsi urbem incolerent et ceteri appetere, ciuitate donauerit IULIVS CAESAR, imperii Romani auctor atque fundator. Immo SYMMACHVS, uir consularis, collegii Medicorum *Romae* degentium mentionem facit, ad quod Summates aliis decedentibus acciti fuerunt. Sed repetamus patriam.

Germania! tibi sane, o dulce natale solum, maximas pro honoribus sibi collatis grates debent Medici. Quantum enim aestimauerit sanitatis studium ac curam uere magnus imperator CAROLVS M. manibus quasi palpabit, qui haud ignorat, eum praecipisse, ut liberi a pueris inde erudiantur in re medica: nisi id uilipendendum potius esse uideatur. Quid uero sentiendum, de aliis successoribus eius, qui uiros in arte salutaris celeberrimos nobilitate cohonestarunt gentilitia?

IO. CRATO, *Wratislaniensis*, trium potentissimorum imperatorum, uidelicet FERDINANDI I, MAXIMILIANI II, & RVDOLPHI II, archiater, ab altero nobilibus gente talibus accensebatur, nomine a KRAFTHEIM maiorem dignitatem innuente insigniebatur, immo et numismate in eum cuso honorabatur.

HIERONYMVS MERCVRIALIS ab eodem MAXIMILIANO II, nobilitatem gentilitiam cum comitis et equitis aurati encomio, et a *Paduanis* statuam honoris consequabatur, quod ante eum contigerat nemini.

Praecipue imperator FERDINANDVS II, Medicis erat indulgentissimus, utpote qui IO. WINTERVM, nullis umquam precibus ab eo instigatus inter nobiles gente tales referebat: MELCHIORI SEBITZIO, uel SEBISCHIO, in comitiis *Ratisponensibus* dignitatem comitis palatini tribuebat anno iubilaeo Augustanae confessionis primo: eodemque anno augustales codicillos gentilitiae nobilitatis *Hoffmannianae* renoua-

noüabat atque pluribus emolumentis augebat in LAVRENTIO HOFFMANNO, cui dignitatem Medici aulae caesareae et comitis palatini addebat; quae nobilissima gens *Hoffmanniana*, uere medica, per duo, et quod excurrit, saecula floruit et in uenerabili *Fridericianae* nostrae Seniore, FRIDERICO HOFFMANNO, et filio eiusdem nominis, uirtutum paternarum aemulo, uiget etiam nunc.

Ad altiora euaserunt, quos memoria hoc loco suggerit, pars Medicorum sane *honoratissimorum*: quorum alter pontifex Romanus, IOANNES XXII, qui ante, quam conscenderet papale solium, Medici officio defungebatur, et IOANNIS PETRI, alias PETRI IULIANI dicti, nomine iam innotuerat; alter nomine PETRVS REICHSALT, seu ACHTZPALT, ad cathedram archiepiscopalem *Moguntinam* admotus a grato pontifice CLEMENTE V, quem mortis faucibus feliciter eripuerat, ratus quippe, *quia tam felix esset corporum curator, maxime conuenire, ut et insignis constitueretur animarum pastor, curator et Medicus.*

Sed quamuis non cuius liceat adire *Corinthum*, nec Medico cuilibet hac uia progredi *Romam* ac *Moguntiam*; supersunt tamen alia honorum Medicis exhibitorum signa; graue puta *honorarium* et *numismata*, mira arte in eorum honorem cusa.

IO. FERNELIUS, insignis in Gallia Medicus et CATHARINAE MEDICEAE archiater, a prolifera hac regina toties honorarium mille imperialium accipiebat, quoties, quod saepius fiebat, enixa est. Et quod semel, cum partus dolores ei lenierat dicti Medici dexteritas, conceperat uotum, id semper adimpleuit magnifice. Aliorum ut taceam honorariorum ei adfluentium: quae colligi facile possunt exinde, quod FERNELIUS quotannis plus quam XII aut XV millia nummorum aureorum habuerit reddituum.

Eadem

Eadem ratione heic deuo citandus est supra adductus
MERCVRIALIS, Medicus Italus: qui, ubicumque locorum ar-
tem suam profitebatur, mille et ducentos ad bis mille aureo-
rum suamam adscendentes singulis annis *honorarii* nomine
nanciscebatur; adeo, ut eo defuncto, centum et uiginti mil-
lia aureorum relinqueret hereditatis massam.

Et quod ad *numismata* in honorem Medicorum cusa at-
tinet, nolo iam laudatum CRATONEM hoc loco reuocare: sed
recensere potius malo numisma, quod merita de alma Fri-
dericiana, de omni re medica, immo de toto orbe litterario
meritissimi FRID. HOFFMANNI, quem quotquot existunt et
iam dudum extiterunt Medici, pro HIPPOCRATE altero et
communi Medicorum parente uenerantur, peregre ex-
primit. Huius nummi prior pagina uenerandam imagi-
nem cum hac sifit epigraphæ:

FRID. HOFFMANN. REG. PRVSS. CONS. INTIM. MEDICVS ET PROF.

Auersa uero pagina sequentem legentibus offert in-
scriptionem:

ADVERSA PHILOSOPHVIVM ET CHRISTIANVM PROBANT.

NATVS
HALE MDCLX.
PATRE
FRID. ARCHIAT. SAX.
PRIMVS IBI PROFESSOR
IAM SENIOR
ARTEM QVA AVGVSTISS. CÆSARI
REGIB. MVLTISQVE S. R. I. PRINCIPIB.
PROFVIT
PER XLIV. ANN. DOCVIT
ET IN
SYSTEMA RATIONALE
REDEGIT
MDCCLXXVII

Deni-

Denique amplissima mihi superesset farrago encomiorum huic nostro Medicorum principi aliisque artis salutaris columinibus consecratorum, nisi plagulae praesentis angustia arceret cuncta. Deproperandum igitur mihi, ut ante clausulam leuidensis huius epistolii, TVI gratia, Vir experientissime inchoari, mentem TIBI deditissimam significem animitus. Societas etenim *δογμαζουτων* summos artis medicae honores in TE collatos, me interprete, gratulatur TIBI: TIBI, quem diligit socium, solide doctum, experientissimum, indefessum, dexterrimum, ingenuum ac candore conspicuum maxime. TIBI fausta quaeuis apprecamur, uouemus, immo ceu uirtutis accessoria spondemus: sanitatis felicitatisque haud interruptae longaeuitatem. De cetero nostri caussa unicum hocce adhuc in uotis habemus, ut beneuolentia & industria TUA, qua laudaris, scopum societatis nostrae laudabilem omnino, promouere uelis et in posterum. Vale nosque eadem, qua TVAM colimus amicitiam, ratione redama. Scrib.

Halae propter Salam, mense Maii, A. R. S.

MDCCXXXII



Ua 1612. 8^o

2

ULB Halle

3

003 856 135




56.

VD18

VD17





PRAENOB
EX

CHRIST

IVSTV

PRAEMIS

MEU

TYPIS IOANNIS

SIMO

RICO

RVS

VLA

D. TYPOCR.

